

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



MUFLIS SEBELUM SENJA

Bazri Abu Bakar, Siti Nordiyana Isahak, Aidarohani Samsudin

Hari pertama kuliah, masing-masing pelajar menyibukkan diri dengan telefon bimbit mengambil nota berkaitan jadual, nama pensyarah, nombor telefon, butiran rakan sekelas, dan sebagainya. Wow! Ramai yang menggunakan model 'iPhone' terbaru yang harga masing-masing bukan calang-calang. Pensyarahnya pula hanya menggunakan 'mid-range' model *android* (tiga model terbelakang) daripada model terkini. Kelas berikutnya pula melihatkan para pelajar majoritinya mengambil nota kuliah menggunakan pelbagai model 'iPad', satu lagi model keluaran Apple yang premium. Bila ditanya soalan mengapa produk keluaran Apple yang puratanya mahal, rata-rata jawapan yang seakan-akan sama terkeluar: alat yang lebih premium, imej yang lebih mewah, nak setaraf dengan kawan-kawan, mudah diguna, dan sebagainya.

Betul atau tidak bukanlah isunya tetapi soalan yang lebih menarik ialah bagaimana pelajar-pelajar yang majoritinya belum mempunyai kemampuan kewangan sendiri sanggup membelanjakan harga premium berbanding produk yang jauh lebih murah dengan fungsi yang sama dan kadang-kadang melebihi produk premium tersebut. Mungkinkah strategi pengiklanan yang hebat mempengaruhi para pelajar tersebut? Atau adakah disebabkan oleh pengaruh rakan sebaya? Atau mungkinkah juga disebabkan pelajar gagal membezakan apakah keperluan atau kehendak?

Soalan berkaitan keupayaan pembelian dijawab dengan jawapan yang agak pelbagai, sebahagiannya menggunakan duit pinjaman dari institusi pembiayaan seperti PTPTN yang sepatutnya digunakan untuk tujuan yang lebih memerlukan. Ada juga yang sanggup mengambil risiko bayaran ansuran dan terpaksa mengikat perut demi memenuhi kehendak, bukan keperluan.

Biar papa asal bergaya.



"Old habits die hard" kata 'mat salleh'. Sifat biar papa asal bergaya yang dipupuk sewaktu di institusi pengajian sekiranya dibawa ke pasaran buruh bakal mengundang masalah yang besar, bukan sahaja bagi individu tersebut malah boleh membebankan keluarga sendiri, masyarakat, dan negara. Individu akan berhadapan dengan gaji bersih yang lebih kecil, keluarga bakal dibebankan dengan rungutan dan pergaduhan, masyarakat menghadapi kesan negatif terutama yang melibatkan pinjaman dari ceti haram, dan negara akan berkurangan atau kehilangan produktiviti apabila masalah-masalah berkaitan hutang dibawa ke tempat kerja.

Jabatan Insolvensi Malaysia mencatatkan jumlah keseluruhan 116,614 kes kebangkrapan yang ditadbir untuk tempoh sehingga Julai 2025. Bagi tempoh tahun 2021 sehingga Julai 2025 sahaja, sebanyak 26,715 kes telah direkodkan. Bagi tempoh 5 tahun yang sama, hampir 15% kes terdiri daripada yang berumur antara 25 sehingga 34 tahun, 40% daripada yang berumur di antara 35 sehingga 44 tahun, dan 30% daripada yang berumur di antara 45 sehingga 54 tahun. Secara keseluruhannya, 85% kes-kes kebangkrapan terdiri daripada umur antara 25 sehingga 54 tahun, umur yang masih produktif dan sangat penting untuk pembangunan negara. Bagi jantina pula, 70% kes bankrap terdiri dari lelaki manakala selebihnya perempuan. Untuk pecahan kaum pula, kaum Melayu mendominasi kes dengan 57%, diikuti dengan kaum Cina sebanyak 27%, dan kaum India dengan 7.5%. Sebanyak 85% kes kebangkrapan melibatkan hutang melebihi RM500,000 manakala pekerja sektor swasta, sektor awam, dan peniaga mewakili hampir 65% daripada kes.

Antara punca-punca kepada kebangkrapan yang direkodkan Jabatan Insolvensi Malaysia ialah:

- Pinjaman peribadi (48%)
- Pinjaman perniagaan (20%)



- Sewa beli kenderaan (8%)
- Pinjaman perumahan (8%)
- Kad kredit (3%)

Punca utama masalah ini berlaku adalah pinjaman peribadi dan kebanyakannya dilakukan bukan disebabkan keperluan tetapi gaya hidup. Laman rasmi Majlis Keselamatan Negara melaporkan bahawa antara pemangkin kepada pinjaman peribadi ialah untuk pembelian kenderaan, deposit pinjaman perumahan, persiapan perkahwinan, pembelian telefon pintar, percutian, serta modal awal perniagaan.

Makanya, bagi mengurangkan risiko kebangkrapan, adalah penting untuk semua mengelakkan keberhutangan yang melampau. Berhutang hanya sekiranya berkeperluan, dan mendapatkan khidmat pakar seperti Jabatan Insolvency Malaysia sekiranya telah terperangkap dalam keadaan yang mendesak.

Rujukan:

Majlis Keselamatan Negara. (2024, 24 September). *Mengapa ramai anak muda jatuh bankrap?* MKN. <https://www.mkn.gov.my/web/ms/2024/09/24/mengapa-ramai-anak-muda-jatuh-bankrap/>

Sinar Harian. (2024, 2 Oktober). *Statistik kebangkrapan* [Infografik]. Sinar Harian. <https://www.sinarharian.com.my/article/688749/infografik/statistik-kebankrapan>

Jabatan Insolvency Malaysia. (2025). *Portal rasmi Jabatan Insolvency Malaysia*. <https://www.mdi.gov.my/>